

◎十神力無礙用（12-17-1858~1859）

- 1 多世界置一塵中無礙用。
- 2 一塵中現多佛剎無礙用。
- 3 眾海水置一毛孔，往返十方，不燒眾生無礙用。
- 4 多世界內自身中，示現一切神通無礙用。
- 5 一毛繫多金剛山，持行十方，令眾不怖無礙用。
- 6 多劫作一劫，一劫作多劫，示現成壞差別無礙用。
- 7 多世界現四大變壞，不惱眾生無礙用。
- 8 多世界三災壞時，不損眾生無礙用。
- 9 一手持多世界，擲如是界外，不驚眾生無礙用。
- 10 說一切剎同虛空，令眾生悟解無礙用。

◎佛十種化不失時

- 1 成等正覺，化不失時。謂成佛道已，隨機應感。
- 2 成熟有緣，化不失時。謂知有宿緣，隨時成熟。
- 3 授菩薩記，化不失時。謂知彼行成，即與授記。
- 4 示現威神，化不失時。謂隨其所宜，示威神力。
- 5 示現佛身，化不失時。謂隨其所宜，現相好身。
- 6 住於大捨，化不失時。謂修無著行，隨緣導利。
- 7 入諸聚落，化不失時。謂隨時順緣，普作饒益。
- 8 攝諸淨信，化不失時。謂具淨信者，攝令不失。
- 9 調惡眾生，化不失時。謂暴惡眾生，調令遷善。

10 現佛神通，化不失時。謂以不思議，神力攝化。

◎ 發菩提心十種因緣

- 1 教化故。謂為欲教化調伏一切眾生。
- 2 滅苦故。謂為除滅一切眾生苦聚。
- 3 與樂故。謂為與一切眾生安樂。
- 4 斷癡故。謂為斷眾生愚癡。
- 5 與智故。謂為與眾生佛智。
- 6 供佛故。謂為供養諸佛。
- 7 隨教故。謂為隨如來教。
- 8 見佛故。謂為見佛相好。
- 9 入智故。謂為入佛廣大智慧。
- 10 現力故。謂為顯現諸佛力無所畏。

菩薩以十因緣發菩提心。